



BOSNIA AND HERZEGOVINA
MINISTRY OF FINANCE
AND TREASURY

Broj: 05-16-4-4927-1/11
Sarajevo, 27.06.2011. godine

SVIM BUDŽETSKIM KORISNICIMA

PREDMET: Instrukcija za sačinjavanje polugodišnjeg Izvještaja o izvršenju Budžeta budžetskih korisnika za period 01.01. – 30.06.2011. godine

U skladu s članovima 14. i 22. Zakona o finansiranju institucija BiH („Službeni glasnik“ broj 61/04 i 49/09) i Pravilnikom o finansijskom izvještavanju institucija BiH („Službeni glasnik“ broj 33/07 i 16/10), obavještavamo institucije Bosne i Hercegovine o sljedećim aktivnostima neophodnim za fer i korektno iskazivanje polugodišnjeg Izvještaja o izvršenju Budžeta budžetskih korisnika za period 01.01. – 30.06.2011. godine, i to kako slijedi:

1. **Izvršiti evidentiranje rashoda i izdataka**, odnosno svih poslovnih promjena i usaglašavanje stanja u Glavnoj knjizi Jedinstvenog računa trezora BiH, **koje se odnose na period 01.01. – 30.06.2011. godine, najkasnije do 25.07.2011. godine.** Znači da su budžetski korisnici dužni izvršiti kontrolu evidentiranja svojih poslovnih promjena tako da stanja u Glavnoj knjizi na analitičkim kontima stalnih sredstava, potraživanja, zaliha, rashoda i kapitalnih izdataka, izuzev analitičkih konta ispravke vrijednosti, moraju imati dugovno završno stanje, dok analitička konta obaveza i prihoda moraju imati potražno završno stanje;
2. Izvršiti usaglašavanje stanja i izvršenja rashoda na programima posebnih namjena do 25.07.2011. godine;
3. Nakon sprovedenih obaveza navedenih u 1. tački, **popuniti obrasce:**
 - **Bilans stanja** budžetskog korisnika na dan 30.06.2011. godine (obrazac BS), koji se odnosi na ukupne podatke budžetskog korisnika (zajedno s poslovnim promjenama koje se odnose i na programe posebne namjene) i to: zbirne podatke u istom obračunskom periodu iz prethodne godine, zbirne podatke u obračunskom periodu iz tekuće godine i indeks;
 - **Pregled rashoda budžeta po ekonomskim kategorijama** u periodu 01.01. – 30.06.2011. godine (obrazac 2), koji se popunjava u skladu s rashodima iz bruto bilansa korisnika, što podrazumijeva prikazivanje ukupnih zbirnih podataka po ekonomskim kategorijama zajedno s programima posebne namjene u **Zbirnom pregledu rashoda** na sintetičkim kontima. Pored zbirnog obrasca broj 2 potrebno je popuniti i **pojedinačne obrasce** broj 2 za budžetskog korisnika u skladu s odobrenim

Budžetom, što znači da se za rashode neposredne potrošnje budžetskog korisnika popunjava na jednom obrascu, a rashode po programima posebnih namjena pojedinačno za svaki program na posebnom obrascu. Preglede rashoda budžeta i po programima posebnih namjena potrebno je iskazati na sintetičkim i analitičkim ekonomskim kategorijama. **Planska veličina se odnosi na ukupne iznose iz odobrenog operativnog plana u skladu s Odlukom o operativnim mjerama za sprovođenje Odluke o privremenom finansiranju institucija BiH za period januar – mart 2011. godine i Odluci o privremenom finansiranju institucija BiH za period april – juni 2011. godine.** U koloni „izmjene“ unijeti podatke po osnovu donacija i namjenskih sredstava prenesenih iz 2010. godine i ostvarenih namjenskih priliva u 2011. godini, tako da se indeks izvršenja Budžeta odnosi na ukupan korigovani budžet, a ne na operativni budžet;

- **Posebni podaci o platama i o broju zaposlenih** (obrazac 4), u kojem ste dužni na mjestu „broj zaposlenih“ navesti *prosječan broj zaposlenih* u periodu 01.01. – 30.06.2011. godine;
 - **Pregled dinamike zapošljavanja** za period 01.01. – 30.06.2011. godine (obrazac 4/1) po mjesecima. Podatak o projekciji broja zaposlenih odnosi se na projekciju iskazanu u usvojenom Zakonu o budžetu institucija BiH i međunarodnih obaveza BiH za 2010. godinu;
 - **Pregled kapitalnih ulaganja po vrstama, projektima i opremi** za period 01.01. – 30.06.2011. godine (obrazac 6/1). Ovaj obrazac obavezno popuniti u skladu s dostavljenom namjenskom strukturom kapitalnih izdataka (višegodišnja kapitalna ulaganja i namjenska sredstva);
4. Budžetski korisnici su, uz navedene obrasce, dužni **obavezno** dostaviti tekstualni dio u kojem treba:
- *obrazložiti strukturu rashoda, objasniti uzroke neproporcionalnog izvršenja godišnjeg plana značajnih prihoda i rashoda, primitaka i izdataka,*
 - *objasniti dinamiku realizovanja programa posebne namjene,*
 - *obrazložiti najvažnije uzroke odstupanja izvršenja u tekućem od izvršenja u istom periodu prethodne godine,*
 - *obrazložiti odstupanje ukupnog broja zaposlenih u odnosu na planirani broj,*
 - *predložiti mjere za otklanjanje eventualnih poremećaja.*
- Posebno treba obrazložiti sljedeće:
- izvršenje višegodišnjih projekata navedenih u „*Pregledima višegodišnjih projekata*“ iz tablice 5. Zakona o budžetu institucija BiH i međunarodnih obaveza BiH za 2010. godinu i projekata iz prethodnih budžeta čija je realizacija nastavljena u 2011. godini;
 - izvršenje programa posebnih namjena odobrenih od strane Vijeća ministara BiH za realizaciju namjenskih sredstava iz viška prihoda nad rashodima Regulatorne agencije za komunikacije u BiH;
 - izvršenje namjenskih programa posebnih namjena (IPA projekti, projekti finansirani iz udruženih sredstava, projekat prostorno-planska dokumentacija za „Koridor Vc“ i drugi projekti odobreni od strane Vijeća ministara BiH);
5. Izvještaji iz tačke 3. i tekstualno obrazloženje iz tačke 4. potrebno je potpisati i ovjeriti od strane odgovornih osoba;
6. **Rok** za dostavljanje popunjenih i ovjerenih obrazaca i tekstualnog obrazloženja je **do 30.07.2011. godine.**

Uzimajući u obzir primjedbe Ureda za reviziju institucija BiH, napominje se da će Ministarstvo finansija i trezora BiH, u skladu s članom 22. Zakona o finansiranju institucija BiH, **koristiti diskreciono pravo da privremeno obustavi odobravanje rashoda sve dok korisnik ne dostavi potpuni polugodišnji izvještaj zajedno s traženim obrazloženjima.**

S poštovanjem,

MINISTAR

Dragan Vrankić